

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Food Corporation of India (FCI) hotute chuan, Mizorama FCI kudam parukah buhfai metric ton sing hnih chuang (20,573.45) chhêk khawl a ni an ti.
- 2. Chhinga Veng Local Council leh Joint NGO te hmalakna in, nizan khan an veng chhunga hnamdang ILP nei lova cheng dapchhuah hnatlang koh a ni a, dan lo a awm mi 29 an man.
- 3. Ramchhunga GST tlakhniam avanga ei leh in man tlahniamin Mizoramah pawh mipuite tan hlawkna tam tak a siam mek.
- 4. Prime Minister Narendra Modi chuan vawiin chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn a, Tun tum ami hi a tum 127-na tur a ni ang.

<><><>

FCI

Food Corporation of India (FCI) hotute chuan, Mizorama FCI kudam parukah buhfai metric ton sing hnih chuang (20,573.45) chhêk khawl a ni an ti a, Mizoram sorkar chu FCI hotute ILP exemption an pekna huang zauh tura an duh thu an sawi bawk.

Tun hnai khan FCI Aizawl Division manager Pu Bankim Phonglo chuan chanchinbu mite a kawm a, Mizoramah FCI chuan buhfai metric ton 31,842 lenna kudam paruk an nei tih sawiin, hei bakah hian Sairangah metric ton 10,000 lenna tur kudam an sa mek a, kumin December velah peih hman an beisei.

Mizorama FCI Kudam paruk - Bairabi, Kolasib, Bualpui, Aizawl, Lunglei leh Lawngtlaiahte Bairabi-a rêlin a rawn phurh luhte atangin buhfai phurh kual thin a ni a, Sairanga kudam peih a nih hunah Sairang atangin Aizawl, Lunglei leh Lawngtlaia FCI kudamahte buhfai sem kual a ni tawh dawn niin a sawi bawk.

Pu Bankim Phonglo chuan, Mizorama FCI hotute leh Regional Office, Shillong hotute tan Mizoram sorkarin ILP ngaihnhathiamna (exemption) an pek avanga an lawm thu a sawi a; hmun hrang hranga FCI officialte tan pawh ngaihnhathiamna pek ni se an duh thu sawiin, a bikin Mizoram nena innghêng reng Guwahati-a Regional Office leh Delhi-a FCI Headquarters lama an hotute Mizorama thil pawimawha an rawn kal dawnin ILP an dil zel a ngai a, a buaithlak châng a awm thin niin a sawi.

Voice Cast

(FCI hotute sawi danin, tunah hian Mizoramah Open Market Sale Scheme-Domestic (OMSS-D) kalpuitu mimal/pawl pali an awm a; October ni 23, Ningani dinhmun angin Mizorama FCI kudam parukah buhfai MT 20,573.45 leh wheat MT 1,810.24 a awm mek a ni.)

(Desk)

<><><>

ILP

Chhinga Veng Local Council leh Joint NGO te hmalakna in, nizan khan an veng chhunga hnamdang ILP nei lova cheng dapchhuah hnatlang koh a ni a, dan lo a awm mi 29 an man.

Hnatlangah hian All NGO member thahnem tak thawkchhuak in, ILP nei lo mi 29 an man chhuah te chu Police kutah an hlan nghal a ni. Chhinga Veng Local Council leh All NGO Coordination Committee te hian sorkar lama thuneitute nena thawkhovin, tunlai hian an vengchhunga hnam dang dan lova sumdawng te dapchhuah hna an thawk mek bawk a ni.

Sairang thleng Rel a lo luh tak avangin tun hma zawng aiin Mizoramah hnam dang rawn lut an tam chho mek niin a lang a, veng leh khkaw bil bakah Mizoram pum huap zirlai leh tlawmngai pawl ten ILP chungchang an ngaihven thar mek a, dan loa Mizorama rawn lut zawn chhuah a, man chhuah chu tih makmawh a ni.

(Desk)

<><><>

GST 2.0

Ramchhunga GST tlakhniam avanga ei leh in man tlahniamin Mizoramah pawh mipuite tan hlawkna tam tak a siam mek.

Aizawl Zarkawta KFC Shift Manager Pi Tamar Lalremruati chuan sorkarin GST rate thar a hman hnuah an eitur zawrhah pawh mipuite tan hlawkna tur tam tak a awm thu a sawi a. An thilzawrh tam tak man a tlakhniam thu sawiin tlem azawng lei chuan a man tlahniam hi a lang vak lo na a a tam tham lei chuan nasa taka a man a hniam tawh thu a sawi a. Nidanga an thil hralh thin man aia hniam daihin mipuite chuan ei tur tam zawk an lei tawh tih a sawi a ni.

Pi Tamar Lalremruati chuan anmahni mai bakah an ni anga ei leh in franchise-a zuar leh anmahni company hotu lu te hnuaia ei leh in zuar hrang hrangteah GST rate thar chuan danglamna tam tak a tha zawnga a siam thu a sawi a. Nidanga an hralhchhuah zat man hmuh a har hret thu leh hei hi man man zawka mipuite ei leh in tam zawk an lei theih vang a nih thu a sawi a. Mipuite chu he GST thar avanga ei leh in man tlawm zawk hmang tangkaia ei leh in te hlawk zawka lei zel tura a sawm thu a sawi a ni.

Khwzawl Zone a Asst Commissioner of State Tax Pi Julie Lalremsiami chuan GST dan thar chu Khawzawlah dawrkai engemawzat in an zawm tawh laiin khawpui liante angin GST in tualchhungah nghawng ala neih tamloh thu a sawi.

Pi Julie Lalremsiami chuan Khawzawl chu khawpui liante angin wholesale dawr lian hmun dang anga che lawih tham an la awm loh avangin dawrkai ten an dah khawl sa neih te a man ngai angin an kal tir a ti a, tun thla chhungin bungraw stock-te chu an hralh zo hman tura ngaih a ni tih sawiin thla thar lamah chuan GST rate thara an kal theih a beisei a ti a, survey pawh an neih vat tur thu a sawi.

Khawzawlah hian dawrkai hrang hrang ten GST Rate thar chu a theih angin an zawm thu an sawi laiin mipui lam atang erawhin thil manah danglamna ala awm lem lo nia thu dawn a ni a. Mizoram Counsumers Union Khawzawl District hruaitute pawhin Taxation Department lam inpeih hunah dawr hrang hrang endikna an nei dawn tih an sawi ve bawk.

(Corr Ruata/Lalsangpuii Khawzawl PTC)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Vawiin chawhnu dar 2 leh a chanve-ah Chanchinthar puan leh a ni ang.

<><><>

EXPENDITURE OBSERVER

Dampa Assembly By-Election atana Expenditure Observer Mr. Shyam Kumar, IDAS hovin, nimin khan sum chingfeltute leh candidate Agent-te thukhawm.

Mamit DC Conference Hall-a thut khawmah hian inthlanna felfai leh muanawm kalpui tura Account vawn dan dikte sawi ho a ni a. Asst. Observer Pi Jenny Thanhlpuii chuan Candidate-te Account vawn dan tur, felfai leh dik taka kalpui dan turah zirtirna a pe bawk.

Expenditure Observer hova thutkhawmah hian Returning Officer, Asst. Returning Officer, Asst.Expenditure Observer, Expenditure Agents leh Candidate Agents te an tel a ni.

(DIPR)

<><><>

LIVE MUSEUM

Art & Culture Minister Pu C. Lalsawivunga chuan Live Museum chu thangtharte’n pipute khawsak dan leh nunphung an hriat thar nan a pawimawh hle niin a sawi.

Nimin khan Minister hian Art & Culture Department buatsaihin Live Museum hawnna chu Falkawna Mizo Typical Village-ah a hman pui a. Live Museum chu zinmite’n Mizo kutchhuak an hmuha an lei theih nan leh Mizo nihna leh hnam zia an zir theih nan a pawimawh thu a sawi a. Ei leh in pawh Mizo taka buatsaih niin, Live Museum chu tihchangtlun a nih chhoh zel a beisei thu a sawi a ni.

Live Museum Show hi a bul tan nan kartin Inrinni apianga neih tura ruahman a ni a. Art & Culture Department chuan heng ni – October ni 25, November ni 1, ni 8 leh ni 15, 2025-ahte hian Live Museum buatsaih phawt a tum a, a tul dan azira buatsaih chhunzawm zel tur a ni. Mizoram State pawn atanga khualzin lo lut an pun belh zel avang te, tualchhung mipuite Local Tourism-ah kan harh thar zel avangtein chu’ng mite en tur leh chhim theih tur chuan Mizo Culture leh Tradition chawilar zel nan Live Museum hi buatsaih a ni.

<><><>

PM MANN KI BAAT

Prime Minister Narendra Modi chuan vawiin chawhma dar 11 hian 'Mann Ki Baat’ programme-ah ram chhung leh ram pawn mipuite hnenah thu a sawi leh dawn a, Tun tum ami hi a tum 127-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

<><><>

Bihar Elections

Bihar-ah chuan NDA, Mahagathbandhan leh party dang campaigner-te chuan Bihar Assembly inthlan thawh khatna neih tur atan nasa tan an la mek a, dan leh thupek, hnathawh tur nei lo, Bihar hmasawwna, leh state nena inzawm thil pawimawh dang chungchangah te an inhnial a. BJP senior leader leh Union Home Minister ni bawk Amit Shah chuan a zawnin ni hnih chhung chu NDA candidate-te tan a campaign a, Chief Minister Nitish Kumar kaihhruaina hnuaiah NDA chuan Bihar chu hmasawwna kawngah a kaihruai a ni, a ti a. Bihar chu dan bawhchhiatna, misual zalenna, leh inthahna lakah te a zalen tawh tih a sawi bawk. Double-engine sorkar – Centre-a Modi sorkar leh State-a Nitish sorkar awm chuan Bihar chu Naxalism hneh turin a pui niin a sawi bawk a ni.

News On Air

<><><>